

Bitt' für unsere Verstorbenen

Alles geht amö zu End,
und landt schließli in Gottes Händ,
immer wieder tuats zua auf uns kemma,
dass ma Abschied miaßn nehma.

A jeder, bei dem is d'Zeit abgloffa,
macht uns traurig und betroffa,
weil o in uns, steigt er ins Grab,
z'samm mit iahm stirbt ebbas ab.

Doch bei uns als Christenleit,
soll nicht obsiegn de Traurigkeit,
sondern d'Freid aufs Wiedersehng,
irgendwann im ewigen Lebn.

Loßts uns dankbar an de denka,
de uns da Herrgott gmacht zu Gschenka,
und uns erinnern voller Freid,
an de mitnand verbrochte Zeit.

Mir dürfn legn in seine Händ,
alle Paartaler an ihm seligen End,
da Herrgott mog des ewige Lebn,
an jedem vo iahne bei sich gebn.